



Биз жасорат сўрар эдик. Лекин бериш каерда — жасоратимизнинг колган-кутганини хам олмок муддаосида эдилар. Биз сўз эркинлиги сўрар эдик. Лекин тилимизни тек-тугидан кесмокчи эдилар. Жасорат биткан эди, тил кесилган эди... Юрагимиздаги бир оз умидни истисно килганда бошка нарсалар юлинуб-юлкинган эди.

Нихоят: фигон ва нолаларимиз арши-аълोलарга етканда умидимиз куёши Ўктабрдан

тугди. Жасорат бўлмагарларининг оёглари осмондан, тил кассобларининг манфур гавдалари жаханнам тегида келди.

Ўктябрдан биз бошликча жасорат олдик. Сўз эркинлиги олдик. Чиндан ҳам Буюк Ўктябр инкилобининг ишчи ва камбагаллар синфига берган емиши жасорат эмасми эди?!

Карангиз:

Бутун умри рутубатлик ишхонада ўткан бир ишчи, ўлтуриш-туриши, ошаш-ичиши, ёлгуз меҳнатни — кетмоннинггина тасаввур этмакка мажбур бўлган бир дехкон бу кун бизнинг тушларимизга кирмаган фикрларни сўзлайдир, хайрон колдирарлик даражада хат-харакатлар кўрсатадир, буниси кифоя килмагандек уста дипломатларнинг етишмаган ерларини туртуб тўгрилайдир!!!

Нега бу мундоқ? Дорулфунун битирганми эди бу ишчи? Сиёсат билан шугулланганми эди бу дехкон. Ва ё социализм элчиси буюк Карл Марксдан беш-ўн йил дарс олганми эди бу иккиси?

Бу эҳтимолларнинг биттаси ҳам эмас: Буюк Ўктябр инкилоби уларга жасорат берди, онг берди, ҳақ берди!!! Шахсият кирлари, аксил ҳаракат губорларига мулаббас бўлмаган (Мулаббас бўлмаган — бўлганмаган, беланмаган) жасорат Шўролар ҳукуматининг негизидир — асосидир. Шунинг учун ҳалигидак пок жасоратлар учун бепоён таажжубланмакка, ҳадсиз хайрон колмоқга ҳеч бир кимсанинг ҳақки бўлмаса керак.

Биз миллат ва миллатчилик дарёсида сўзгучи бир жасур бўлуб танилубмизки, бизни кечирсунлар!

Истанбул қахвахоналарининг мужассам типи бўлган бир норгилахўрнинг (Норгилахўр — чилимқаш) миллатчилик ва миллат масалалари билан неча грўшлик (Грўш — қуруш (арабларда майда пул бирлиги) грўш) иши бўлсун! Қувваи ақлиясини Истанбул қахвахонасидан бошқа бош огри-гиларга нега юборсун?! (Истанбул қахвахоналари доим одамлар билан гавжум бўлиб, гурунг қилиб ўтираверадилар, бу одат ҳозир ҳам шундай.) Тузук, унинг бир оз айби, кечирилмаслик бир қусури бор: у арайишчи (Арайиш — тартиб), ҳажв эмас латойиф (Латойиф — нозик маъноли сўзлар.) билан орамиздаги баъзи камчиликларни тузатмакчи!

«Кизил байроқ»нинг 186-нчи сонидан бирдан бир ўзбекча, «Инкилоб» журнаliga ўзбек ёшларининг эътиборсизликларини кўрсатиб журнал ҳақида кўча-кўйларда маъносиз айб тақиб юрган баъзи ёшларимизни тасвир этуб ўткан эдик. Лекин «Паспўрт йўқотдим» саҳифасидаги бу мақола журнал муҳаррири ўрток Тўракулга катгиг теккан, маънони бошқа ёққа буруб ифодани, тарқибни, мақсадни иккинчи томонга йўйилган. Шу муносабат билан мақола ёзгучигагина эмас, бошқа шоир, муҳаррир, драматург, «Кизил байроқ» ва тагин алла кимларга, ҳатто шу мақолани ўзига жойлаган коғоз-сиёҳга довр хайф дейилган, афсус ейилган!

Ортик кизилган, адаб доирасидан чиқиб бўлсада сўқуб колмоқ кўзда тутулган, шаънга лойик келмаган ҳаракатлар ҳам бўлган. Кўча сўқишларини келтуруб, тақдиси эҳтиром зиммамга юклатилиб колдирилган, матбуот риоясини ҳам эсдан чиқарилган.

Ёш ёзгучиларимизни илмсизлик, ишсизлик билан айблаб таъна тошлари отасиз. Лекин бундай таъналар бизнинг қаби ишқа янги бошлаган бир миллат учун ўринсиздир. Биз мутараккий миллатларнинг тараккий тарихларини текширсак, кўрамизки, бошда уларда ҳам матбуот ишлари билан юргучилар сизнинг таънангизга маҳкум ёшлар бўлгандирлар. Бир жихатдан сизнинг таънангиз эндигина матбуотга яқинлашиб келмакда бўлган ёш талантларни маюсиятга туширмакдан бошқага фойдаси тегмас.

Таънангизга махум ёшлар янги адабиётимиз учун такдирга лойик нарсалар бердиларки, майдондадир. Лекин даъвоси тог-тошдан хам улуг бўлган зотлардан хали адабиётимиз арзугулук, бир нарса хам кўрмади...

Энди жавоб берайлик: бу кунгача биз Мухиддин Арабийгагина эмас, хатто ўзимизнинг Абдуллатифларга(Подшоҳ Улугбекнинг ўгли Абдуллатиф кўзда тутиляпти; адашган, жохил маъносида) хам тил тегизиш хамокатида(Хамохат — ахмоклик) бўлмалик ва бўлмаймиз. Арабий билан ўз даражамизни яхши билиб Арабий олдида офтобдан бир зарра хам бўлмаганлигимизни яширмаймиз. Хали жахли мураккабга(Жахли мураккаб — мутлок нодонлик) колгунимизча йўк. Лекин шуниси бор: Арабийнинг кўрган тушларига, олам мисолига (олам мисол)(Олам мисол — оламнинг яратилиши) ишонмак мажбурияти бизда йўк. Бу эрса номашруъ(Номашруъ — шариатга хилоф) бир жасорат бўлгани каби бунинг билан бизни ҳеч кимса айблай олмас. Йиги билан кулмак орасида мутараддид(Мутараддид — иккиланмок) колмокнинг асло лузуми йўк!

Адабиётимизга Аёз Исхоков, Фотих Амирхонлар, танкидчилар ва хажвкашлигимизга Олимжон Иброхимовлар тилагида бўлинувсиз. Бу зарарсиз хайрихолик бўлса хам орада бир оз онглашилмовчилик бор. Оналаримиз отини Аёз Исхоков, Олимжон Иброхимов кўюб болалар тугуб берсунларми? Ва ёки тугулган болаларнинг қайси бириси Аёзга ва қаюси Олимжонга ўхшар экан деб умр ўздирайлуқми?

Бизнинг кичик ва кесик миямиз бу масала тўғрисида шуни демакка мажбурдир: мухитимиз ва ўзимизга яраша Аёзларимиз, Камолларимиз, Олимжонларимиз бордир. Бизнингча, Аёз ва ё Олимжоннинг худда ўзи бўлмоғи шарт эмасдир.

Танкид сўзига берилган маъно хам бизнингча дуруст эмас. Танкиднинг маъноий лугавийси саралаш, арайишини олмок деган сўздир. Наинки ер билан яксон этмак! Бу кунгача биз танкид килмок билан асарликдан чиккан ва ер билан яксон булган бир нарсани хам кўрмадик, балки мукамаллашканларинигина кўрдик...

Бизни кадрношунослик ва нонкўрлик билан хам айбламакчи бўлганлар.

Мусо Жоруллоҳ, Ризо ва Рашид козиларнинг хам Исмоилбекларнинг кадрларини, туз хакларини лозимича билмаган шарк йигити ичимизда турмасун демакчи бўламан.

Уларнинг хизматларини такдир этмагучи мажнундир,(Мажнун — аклсиз) бошка эмасдир.

«Хангги» дейсиз. «Уят-уят!» ларни ўзингиз катор-катор чизасизда, лекин амалга келганда ўзингиз уялмайсиз. Бу уятсиз хитобингиз матбуот билан бизга янгилик бахш этмайдир. Нечукким собикда ўруснинг мустабид тўраларидан «хангги» хитобини кўб эшитуб келгандирмиз. Бу кун бу таъбирни (таъбирми-тахкирми!) ўзимизнинг «мана» деган бир йигитимиздан эшитар эканмиз, бизнинг учун зихи саодат!(Зихи саодат — қандай бахт) Шийъий ва ё суннийлик даъвоси ёки игвогарлик муддаоси хошо ва калло(Хошо ва калло — мутлако йўк,) бизда йўк,. Дуо килингизки, бу балойи осмонийдан(Балойи осмоний — такдир) хаммамиз хам эмин(Эмин — тинч, хавфсиз) бўлайлик!

Сиз «хаммамизга хам афсус» деб гувранасиз(Гувранмок, — мингирламок.), лекин ман «хаммамизга хам баракалла!» деб сўзимни тугатаман.

Жулкунбой «Кизил байрок» — 1922 йил, 1 июл 191-сон 2—3 бет.
Абдулла Кодирийдан